

31778 - তালাক কার্যকর হওয়ার ক্ষেত্রে স্ত্রী অবগত হওয়া কিংবা স্ত্রীকে সামনাসামনি তালাক দেয়া শর্ত নয়?

প্রশ্ন

তিন বছর পূর্বে আমাকে তালাক দেয়া হয়েছে। একজন উকিলের মাধ্যমে যাবতীয় প্রক্রিয়া সম্পন্ন হয়েছিল। আমার পূর্বের স্বামী কোন প্রকার আলোচনায় রাজি ছিলেন না। সে জন্য আমাদের মাঝে চুক্তি সম্পন্ন হয়েছে। আমি যা জানতে চাচ্ছি সেটা হলো: আমার স্বামী এখনো সরাসরি আমাকে তালাক শব্দ বলেনি। কেউ কেউ আমাকে বলেছেন যে, সে আমাকে মুখোমুখি এ শব্দটি বলা আবশ্যিকীয়। আশা করব, আপনারা বিষয়টি পরিষ্কার করবেন। কারণ এটি আমাকে বিচলিত করছে।

প্রিয় উত্তর

স্বামী কর্তৃক তালাক শব্দ স্ত্রীর সামনে উচ্চারণ করা কিংবা তাকে অবহিত করা তালাক কার্যকর হওয়ার জন্য শর্ত নয়। পুরুষ লোক যখনই তালাক উচ্চারণ করবে কিংবা লিখবে; সেটাই সঠিক ও কার্যকর তালাক হিসেবে গণ্য হবে; এমনকি স্ত্রী যদি না জানে তবুও।

যদি আপনার স্বামী তালাকের যাবতীয় প্রক্রিয়া কোন উকিলের মাধ্যমে সম্পন্ন করে থাকেন তাহলে এই তালাক প্রদান সঠিক ও কার্যকর। দেখুন: [20666](#) নং ও [20660](#) নং প্রশ্নোত্তর।

শাইখ ইবনে উছাইমীন (রহঃ) কে জিজ্ঞেস করা হয়েছিল:

এক লোক দীর্ঘ দিন তার স্ত্রীর কাছ থেকে অনুপস্থিত। সে তার স্ত্রীকে নিজে মনে মনে তালাক দিয়েছে। কিন্তু স্ত্রীকে এটি জানায়নি। এই তালাক কি পতিত হবে?

জবাবে তিনি বলেন:

তালাক পতিত হবে। এমনকি স্ত্রীকে যদি না জানায় তবুও। ব্যক্তি যখনই তালাক উচ্চারণ করবে এবং বলবে: 'আমি আমার স্ত্রীকে তালাক দিলাম'; স্ত্রী তালাক হয়ে যাবে; চাই সেটি স্ত্রী জানুক কিংবা না জানুক। যদি ধরে নেয়া হয় যে, এই স্ত্রী তাকে তালাক দেয়ার বিষয়টি তিন হায়েয অতিবাহিত হওয়ার আগে অবগত হয়নি সেক্ষেত্রেও তার ইদত পালন শেষ; যদিও সে বিষয়টি জানেনি। অনুরূপভাবে যদি কোন লোক মারা যায়; কিন্তু স্ত্রী ইদতের সময় শেষ হওয়ার আগে খবর পায়নি; সেক্ষেত্রে স্ত্রীর উপর আর কোন ইদত নেই। যেহেতু ইদতকাল শেষ হয়ে যাওয়ার মাধ্যমে ইদত পালন শেষ হয়ে গিয়েছে।[সমাণ্ড]

ফাতাওয়া ইবনে উছাইমীন (২/৮০৪)]